

PN

6267

05118

1748

4.17

OCT 1972

歷代名賢齒譜卷九

湘鄉易宗浩公申輯

男易

祖偷

祖讓

祖本

東校字

九十歲

曲禮九十曰耄

王制九十飲食不離寢

又九十者天

子欲有問焉則就其室以珍從

又九十日有秩

又九十歲君

命使人多不拜也

曰鮐背曰黃耆

漢文帝詔民間九十歲者

令有司賜帛

漢武帝令九十復田卒不領兵甲之役

明洪武

詔凡年九十以上賜米肉酒外加賜帛一疋絮一斤賜爵社咸許

冠帶與縣官平禮免差徭

太行王屋二山方七百里高萬仞愚公者年且九十面山而居惡此山將

移之操蛇之神告帝帝感其誠命二子負二山一措朔東一措南瑯

太公九十而封齊

呂望行年五十賣食棘津七十屠于朝歌九十乃

為天子師則遇文王也

韓詩外傳

鬻熊年九十

煇作餘謁文王王曰嘻老矣答曰使臣策國事則臣尚少

衛伯九十猶戒于國所謂耆聖武公者

路史

孔子遇榮啟期於泰山問曰先生何樂也曰天生萬物人為貴吾得為人

一樂也男尊女卑吾得為男二樂也人生有不見日月不免襁褓者吾

已行年九十

觀苑

三樂也

列子

轅固齊人治詩武帝立以賢良召固諸儒多疾毀固曰固老罷歸之年已

九十矣

漢書

陳留一翁年九十無子娶女一宿而死後產一男長女爭財數年不決丙

吉云嘗聞老翁兒無影不耐寒試之果然遂直其事

風俗通

尹雄年九十左髮生角長半寸

誕異

湛按老而生角者多壽漢景帝膠

東人年七十餘生角晉太始中元城人生角梁孫謙年老生角年至九

十二隋大業中雁門房回安母額上生角年至百餘

杜子春太平之初年且九十成帝時周禮始得列序然亡冬官以考工記

足之時眾儒並出共排以為非是惟劉歆獨識方知周公致太平之跡

具在于斯兵革並起弟子死喪徒有里人緱氏杜子春能識其說鄭眾

賈逵往受業焉周禮訂義

司徒九江朱伧年且九十以年老為司隸虞詡所奏耳目不聰明祭酒周舉為草創俵匍匐自力手書密上上覽俵表嘉其忠謨俵目數病手能細書風俗通義

伏恭字叔齊性孝事所繼母甚謹建武中除劇令以惠政公廉聞青州舉為尤異建初二年肅宗行饗禮以恭為三老年九十後漢書

嚴君平善易卜筮日得百錢自養閑肆下簾讀老子年九十歲漢志

公孫永隱于平郭南山吟咏崖間陶然自得年九十一讎九操尚不虧謚

崇虛先生事文類聚
蔡長孺蜀郡人夫妻共服十精丸體氣充盈年九十生一男名度世一百五十歲復生男名無極年三百歲視之如少童雲笈七籤

晉懷帝即位以劉實為太尉實自陳年老固辭帝不許左丞劉坦上言曰古之哲王莫不帥元臣崇養老禮七十致仕所以優異舊德以勵廉高之風太尉實體清素之操執不渝之潔懸車告老二十餘年臣聞老者

不以筋力爲禮實年九十命在旦暮而頻上露校宜聽所守至是詔曰
君年耆告老確然難違今聽君以候就第元經薛氏傳

高允年九十勸人學業教化大行類書纂要

高適送郭處士往萊蕪兼寄荀山人詩歸見萊蕪九十翁爲論別後長相
憶又黃河詩皤皤河濱叟答言盡終始一生雖貧賤九十年未死且
喜對兒孫彌慙遠城市結廬黃河曲垂釣長河裡溟漫望雲沙蕭條聽
風水全唐詩

柳芳爲郎中其子登疾重時張萬福善醫初除泗州與芳故舊芳賀之具
言子病惟恃故人一顧也張詰旦候芳遽引視登遙見登頂曰有此頂
骨何憂也因按脉五息復曰不錯壽且逾八十乃留芳數十字登後爲
庶子年至九十而卒酉陽雜俎

岑參戲問花門酒家翁老人九十仍沽酒千壺百甕花門口道旁榆莢巧
似錢摘來沽酒君肯否萬首唐人絕句

李白贈何七判官昌浩詩羞作濟南生九十誦古文駢字類編

香山居士山下留別佛光和尚詩勞師送我下山行此別何人識此情我

已七旬師九十尚知後會在他生又春夜宴席上贈裴淄州九十不

衰真地仙爛也六旬猶健亦天憐諤也今年相過鶯花月此夜同歡歌

酒筵四座齊聲和絲竹兩家隨分闋金鈿留君到晚無他意圖向君前

作少年長慶集

白居易雲居寺孤桐詩一株青玉立千葉綠雲委亭亭五丈餘高意猶未

已山僧年九十清淨老不死自云手種時一顆青桐子直從毫末拔高

自毫末始四面無附枝中心有通理寄言立身者孤直當如此長慶集

羣芳譜作劉厚父詩

皮日休魯望以范翁之什見招詩九十携鋤偃僂翁小園幽事盡能通集

貫休天台老僧詩僧中九十臘雲外一生心長慶集

周繇任京寄同志詩試問九十翁吾今尚如此長慶集

睢陽五老王禮侍渙年九十歲詩云分曹歸政養耆年李下何由更正冠

賢相賦詩同嘯傲聖君優詔去盤桓
龐眉老叟俱稱壽
凌雪喬松豈畏寒
屈指五人齊五福
鄉人須作二疏看

事文類聚

楊師謨爲合州刺史夢太上示現而左目有淚痕至慶林觀尊像左目前
漏滴之宛若淚痕因刻薤荒蕪恢張制度剋絕一時後夢太上曰以子
崇修葺之功當流化十郡矣後師謨累典至十一郡享壽九十焉

紀

靈驗

東坡思無邪齋記云公諱仁霸眉山
人仁厚信鄉里攝錄水叅軍眉山尉
有得盜蘆蕨根者實竊尉掾以盜聞公知其寃移獄尉竟殺盜公坐誅
囚罷歸不及月掾尉皆暴卒后三十餘年公晝日見盜拜庭下曰尉掾
未定服待公而決前此地府欲召公暫對我叩頭爭之曰不可以我故
驚公是以至今公壽盡我爲公荷擔而往暫對卽生人矣子孫壽祿朱
紫滿門公具以語家人沐浴衣冠就寢而卒某幼時聞此語言已而外
祖壽九十舅氏始貴顯壽八十五曾孫皆仕有聲同時爲監司者三人
玄孫宦學益盛而尉之子孫微矣予記公遺事以貽程氏

事文類聚

元祐初哲宗幼冲起文潞公平章軍國重事召程正叔爲崇政殿說書正叔以師道自居每侍上講色甚莊繼以諷諫上畏之潞公對上恭甚侍立終日上屢曰太師少休公頓首謝立不去時公年九十矣或謂正叔曰君之倨視潞公之恭議者以爲未盡正叔曰潞公三朝大臣事幼主不得不恭吾以布衣爲上師傅其敢不自重吾與潞公所以不同也識者服其言鑰見又彥博乞致仕不允批荅曰昔師尚父九十仗鉞秉旄猶未告老此諸葛元遜所以屈張昭也衛武公百年猶警戒于國曰無以老耄而舍我此左史倚相所以誨申公也今卿壽考康寧而退託衰病自求引去獨不念天下之士有如彼二子者議其後乎軾范純仁題潞公翰墨卷後四朝勲業載旂常九十精神正壽康燕翼自當傳百世豈徒書法付諸郎范忠宣公集

范崇仁號半醒桐城諸生隱居好讀書精文學年九十猶能口誦古書數千卷時趙銳字子恒者年六十亦好讀書苦目瞋曰天其忌我博也崇仁曰我多君三十年君第坐我以口寫君以耳觀天安能忌之安慶府志

陸放翁詩總角入家塾學經至鹵詩治道本畊桑此理在不疑今茲垂九十謝事居海涯戴星理農桑未歉筋力衰又羸然九十翁世故見已熟偶能達一理萬事等破竹餘年更何爲枕藉糟與麴又平生碌碌本無奇况是年垂九十時花前騎竹强各馬墻下埋盆便作池年垂九十身猶健竹屋荆扉不厭低挈榼自沽深巷酒擁衾遙聽別村雞又八十九老可驚白髮森然增鏡明身當遊岱尚少駐書欲藏山殊未成又焚香黃閣退朝歸道話時時正要提九十老翁緣底健一生强半是单棲劍南詩鈔

青城山上官道人迂人也巢居食松麩年九十矣人有謁之者但粲然一笑耳有所請問則託言病暗一語不肯答予嘗見之于丈人觀道院忽自語養生曰爲國家致太平與長生不死皆非常人所能然且當守國使不亂以待奇才之出衛生使不夭以須異人之至不亂不夭皆不待異術惟謹而已予大異從而扣之則已復言暗矣陸務觀老學庵筆記林開鈞字公秉早遊場屋率不利自三舍法罷遂不復有仕進意高宗朝

以子嘗由里選版授承議郎賜緋衣銀魚致仕好施與嘗置紅果義學
延族子光朝爲師以淑俊秀置義田以膳四方從學之士年九十齒髮
落復生作亭名曰回年子二人克南安司戶叅軍褒建寧府司法叅軍
萬姓統譜

楊廷秀壽叔父致政南極老人歌溪溪居士登九旬朱顏綠鬢如後生橫
拖仙人綠玉杖倒誦上帝黃庭經璇霄仙籍書名姓丹霞紫誥金花綾
近來更覺雙眼明夜抄蠅頭忘下燈事文類聚

莫士先字元亨大庾人乾道辛卯特科邕州戶曹年及九十長子如德淳
祐甲辰進士萬姓統譜

孔元龍字李凱孔子五十世孫尚志篤學從真德秀遊爲柯山精舍山長
以宣校郎致仕年至九十手不釋卷著有柯山講義論語集說魯樵斐
藁奏議叢壁卒贈太子少師關里志

宋世良守清河郡遇赦無一囚率郡吏拜詔而已獄櫓生桃蓬蒿亦滿牙
門虛寂謂之神明及還有老人丁金剛泣謝曰老人年九十記三十五

政府君非惟善政清亦徹底今失賢者人何以濟

焦氏類林

東元嘉合肥人調通城簿毀淫祠正風俗攝縣令以政最聞後知秦州值

歲饑賑濟有法全活甚衆歷樞密都承旨引老歸年九十猶課諸孫讀

書至夜分不倦

萬姓統譜

巢道人上猶人幼遇異人授以辟穀法常經日不食自言年九十顏如童子日行三百里盛暑烈日曾不避忽一日謂所親曰吾明日歸去果端坐而逝

一統志

張弋禪林寺寺至蕭梁曾識少今朝苔蘚始經過天低日落江湖遠煙冷

風清竹樹多蟲引翠禽行壞屋馬驚白犬吠懸羅一僧九十形容古岩

上逢予忽浩歌

宋司水

吳士燮九十歲留鎮交趾

編年考

錢仲轔字德鈞居百花洲蒲帆巷在宋以詩經發解元兵渡江不復仕不喜飲惟勸人讀書年九十步行十餘里手不持杖燈下書細字夜分始寐時汪澤民爲本路判官每朔旦親候于門必再拜曰先生文章行誼

誠古君子也

蘇州府志

王德元字仲德少慕全真之教遍遊名山參禪悟道自爲贅曰憐慵痴憨
白髮老贅一念萬年在世出世其與人遊處不爲崖絕之行雖弟子亦
視爲執麴所食不擇潔修所居不求安逸意有所適輒飄然長往年九
十歲日行百餘里步履如飛

元志

虞集洛川老人年九十鬚眉如畫身玉立錦袍金帶方烏巾手挽強弓無
挾拾八月平原秋氣高聞有狡獸依蓬蒿清晨上馬薄暮返累騎毛血
懸鞵橐身是前朝將家子生逢太平百無事都將英氣化高年何物小
兒堪指使太守上言朝有恩束帛養年兼上尊洛川老人過百歲擊壤
爲歌傳子孫

道園學古錄

有元之時會川有尹先生者伯仲同乳至泰定丁卯皆九十矣二季亦各
八十餘當時見于賦咏者多館閣之賢虞文靖公爲序以人瑞稱之

鄭氏四老圖詩序

菊屋主人何天定好吟散策詩云孤坐忽不樂出門聊散行溪喧亂人語

樹偃得農耕小徑莓苔積陽坡草木明道逢九十叟相對話承平

天地

間集

黃公望字子久父年九十始得之曰黃公望子久矣因而名字焉性秉敏異博極羣書絕意仕進放浪湖海開三教堂高僧書士多執弟子禮居虞山時日以一甕卧於石梁面山而飲飲畢投甕于水而去後村人發其甕殆盈舟焉

蘄州府志

丁保保字艾菴入朝以耆年賜九品服至郡拜受于太守龐子太守訊之以政曰野人何知政與衆同樂則濟儒久賤願貴之農久困願甦之政久苛覆願平之僧伽尚橫願戢之年九十復賜九品服又三年乃終錢塘縣志

徐世隆字威卿送天倪子還泰山九十行年髮未華道人風骨飽煙霞洞天福地三千里神府仙閣第一家牛膝藥靈斟美醞兔毫盞淨啜芳芽隱居自愛陶弘景莫作山中宰相誇

元詩選

呂升字德升孝子蒙之後母徐先卒父迨年九十升竭力奉養飲食起居

不離左右父年益高便溺不節升無間晨夕躬自扶持就溺不使浣床褥若保嬰兒如是者几十年父以百歲卒洪武初詔應孝弟力田科授江陰主簿不就紹興府志

宋濂題新竹圖送張齊賢曰齊賢尊丈春秋之高今躋九十誠邦家之人瑞州里之禎祥也慶旦相臨預繪新竹圖于扇以爲壽且侑以詩三章宋文憲公集

天台老儒王宗元年九十歲言授經烏傷山中有祝監生者老矣謂及見西楊閣老嘆正學方先生二女當先生死時年俱未笄被逮過淮相與投橋水死其事甚烈當時西楊欲爲傳未就雖二小女子臨變赴義視死如歸不懾不回與先生伯仲之死同時爭烈者韓嶽方氏二烈女小孫鈍字公銳遇異人授却老方九十童顏醫傾海內所著有試刻集錢邦彥字治徵仕至刑部尚書謙讓性習雖垂鼎之童必相敵禮出入戟冠高車從容詳雅爲鄉先生領袖者三十年萬歷丙戌子允元魁會試邦彥遺以二葛二絹曰吾以是教兒倘能節省斯稱吾子矣年躋九十

撫臣報聞上命續廩餼如例及歿賜塋祭蘇州府志

南園翁者京兆人也今年九十矣耳聰目明體履矯健喜飲酒然多而不

亂與人竟日崆峒集

江南有二大老曰大司馬石埭畢公少司徒歙縣方公並都顯撫功聲騰

茂又後先謝政歸計最決名最高今上三十四年丙午兩公並登九十

在紀傳中所稱名公卿下上百歲者可指數耳數百里几杖相望天子

存問之使錯于道豈不亦國家靈盛之符而南極氤氲之厚哉賜賚集

潘琴字舜絃景寧人二十四登正統進士歷稽勲司遷知府乞休作招鶴

詞士大夫爭和彙爲鶴溪清風卷文學齒德爲東西重八十李西崖寄

詩賀之年九十離蒲四十年矣故治民猶移文問安著有行軒集臚訓

胡拱辰字共之淳安人正統進士知縣縣三載刑清訟簡累官至工部尚

書致仕後歲賜米二十四石輿隸四名正德丙寅壽屆九十遣行人王

奎存問浙江通志

王端毅恕歷仕四十五年凡上三千餘疏皆忠直凱切蓋憂世之志如范

希文濟世之才如司馬君實直諫如汲長孺惠愛如鄭子產年九十矣
尚考論古今不怠憂國劉昌黎又李西崖有壽王公九十詩序云特

賜勅脩物遣使詢問仍月如舊所給米歲加與隸二人並盛舉也

沈澄字孟澄長洲人長于詩又善交際士之為詩者多就之年幾九十子

曰貞吉恒吉以詩世其家而履操峻高善圖象皆年至九十萬姓統譜

陳紹先字宗述為文簡質書亦清媚授遼王貴烺紀善上從之有所諫諍

不納謝歸年九十時長洲沈貞吉恒吉兄弟俱壽與紹先優游山澤間

稱遺老焉

蘇州府志

黃性少保大學士淮之父年九十猶無恙膺封爵與子同當世榮之編年

嘉靖廣東按臣言致仕尚書湛若水年九十請賜存問麟輶

陳雍字希冉餘姚人成化中進士歷工部尚書被論乞休上憐其枉詔給

驛還仍賜歲夫月米家居十餘年年九十所司以例請詔賜羊酒存問

雍厚重簡默敷立中外四十年卒以恩禮終蓋遭遇不偶云紹興府志

羅鑒字湘川號子田進士轉戶科給事弘治中上疏言三事上嘉納之擢

四川布政致政歸二十年結一亭每作左右銘以自警年九十猶燈下細書與人處雖童賤必禮下之有古長者風

長沙府志

賀憲字鑒之益陽人弘治戊戌舉于鄉任灌令居身有法事父母盡孝生

事葬祭動循古禮年九十語及輒潛然涕下

長沙府志

吳汝新字勉之授德慶州守單車至官德慶古康州獠獍雜處剽劫爲患前此五易州守卒不能治汝新至諭以禍福如故乃設伏滅之一州以寧親老力請終養年九十猶好學不倦

人物志

魏文靖驥九十歲滿朝賀稱眉壽

編年考

陳壽麓長沙人君恒端方廉潔恩貢授蘭陽丞冰蘖有聲掛冠歸與鄉達十老賦詩飲酒年八十舉鄉大賓至九十燈下猶工楷書杖屨蹢躅賦詩自壽越兩月正寢整冠危坐如登仙去

長沙府志

東門沙門年九十擁錫而行素與新都楊用修青城余茂昭游藏二公詞

翰予爲老僧像贊而出

明陳文燭遊我山記

胡守上沔陽人字天衡生而純孝年九十猶論經義不輟通志

洪濤弋陽人少業儒後專醫如神從征交趾大疫以蒼朮黃柏百鍋煮之
徧飲皆愈改榮藩良醫正王鈇濤搗藥補之如天成賜建國醫坊號
補唇先生年九十致仕

西江志

朱袍樂義好善年九十矣邑旌語云荒年焚左券市義不假馮驩晚歲益
躬修進德堪追衛武人稱實錄

餘杭縣志

劉健致仕歸家肅皇嗣位詢謀遺老意欲召用而健年已九十矣乃降詔
存問明年遣撫臣就其第致東帛餼羊上尊酒

編年考

曹時中號定庵以浙江副使致政居鄉常操一小舟身自持櫓時當祭祀
則親採蘋藻太守吳公鉞遺之以舟署曰采蘋徧屬士大夫題詠成帙
而後致之每歲中秋誕辰投詩稱觴者滿堂極一時之盛正德己巳歲
稷貸米百石全活萬人年九十郡守孔公輔贈米二石手書答曰老夫
不食已三日矣恐虛大夫之賜謹辭後二日爲詩以別親知危坐而卒
先卒之前一日曰明日午時天地晦冥風雷撼掣此吾去期也果如其
言

編年考

董守正字澹子工寫花石九十執筆不衰自號百拙老人鄧縣志

汪道崑遊洞庭山記張紉于言蔡丈人義甚高字師古年九十矣登高不

杖往往先諸少年徐紹卿年七十七並矍鑠能詩其兄子太素以好客

聞皆山中人也名山記

嚴一鵬字化卿八歲而孤赤貧衣不蔽體日不再食稍長授經里塾僦牛

椽以居倚爨讀書哭圯書盡八煙燎中萬曆丁丑進士累擢南京刑部

侍郎攝尚書事即引年致仕年九十蒙恩存問即是年歿贈尚書臚州志

蔣太學聞余至出迓余乃舍舟陸行過烏砂泉酌之盡一蠡行田間二

許就飲太學其中表蔡丈人來訪即汪伯玉記中所稱九十翁者也視

故翰林九達為季行耳耳盡聾矣而嚼履神明不衰其子孝廉伯玉捧

節僂行而侍對客益為恭謹可念王世貞遊太湖山記

馬堯相字北彝會稽人以監生授金谿知縣縣無城堯相創之民賴其利

沉酣書史不與戶外事行年九十未嘗廢吟咏會稽舊無志堯相手草

之與樂會金堦相與考訂書未鐫修撰張元忭得之屬徐渭編摩人知

成于渭而不知堯相與堦也

紹興府志

陸樹聲字與吉贈太子太保謚文定公年九十時以衲衣一襲付慧日院

手書一詩于衲表又自題其畫像留寺作供松人以為美談

列朝小傳

鄧漢臣萬縣人任無錫知縣淡泊自奉百姓頌為鄧萊羹後任鎮江通判

年九十致仕歸里

夔州府志

張葵字厚松生平仗義扶危賑饑施藥兩舉大賓至九十常種松于北山

之麓至今喬梓蒼然見者慕之

安慶府志

衡山耆壽喻禮戴月俱年九十鄉飲數次

衡山縣志

夏侯勝字長公以前書授太后賜爵關內侯因直言被劾兼劾黃霸阿縱

俱下獄霸從勝授經獄中遇赦年九十卒于官太后賜錢二百萬為勝

素服五日以報師傅恩儒者以為榮

綱鑑

楊統建初中為彭城令一州大旱統推陰陽消伏縣界蒙澤太守宗湛使

統為郡求雨六日即降澍後為國三老年九十卒

後漢

袁山松書曰

統在縣休徵時序風雨得節嘉禾生于寺舍人庶稱神

士燮字威彥治左氏春秋建安中舉茂才遷交趾太守達于從政謙虛下
士時天下喪亂中國士人多依者以百數在郡四十餘歲卒年九十統譜

伏恭字叔齊性孝事所繼母甚謹永平四年帝臨雍於行禮中拜恭爲司
空儒者以爲榮以恭爲三老年九十卒賜塋顯節陵後漢書儒林傳

高柔字文惠明于法理累遷司徒封萬歲鄉侯卒年九十三國志

張曄召還爲京兆尹入侍宴樂人以爲寵然以幹治稱累遷太子詹事三
至全金吾大將軍以年高加特進嘗還鄉上冢帝賜詩及錦袍繒綾乘
驛就道子弟車馬聯袂使者賜賚勅州縣供擬居處尊顯天寶中卒年
九十贈開府儀同三司唐書

李客師靖弟也以功封丹陽郡公致仕喜馳獵雖老猶未衰自京南歸山
西際澧水烏鵲皆識之每出從之翔噪人謂之烏賊卒年九十贈幽州
都督宋祁唐書

顧况字浦公爲至德進士與李泌柳渾爲方外友後結廬茅山號華陽真

逸年九十卒人謂尸解去有集二十卷

嘉興府志

張萬福以左散騎常侍卒年九十自終始祿食七十年未嘗一日言病蒞

凡九州皆有惠愛

韓昌黎集

張炳字明叔少有奇疾在太學師事史載之極醫方之妙暨歸鄉里無論貴賤有謁必往視之不避寒暑全活不可勝計魏惔之稱曰太古之遺民任澧州錄叅致仕年九十卒

唐書

向榮處士也塋于龍山之麓年九十卒咸平八年中秋夜越明年而塋銘有曰萬古絕續來之約千秋無再覩之期誠恐陵谷變遷故刻石爲記萬曆甲申因山水衝決出其墓志事亦奇也

安慶府志

李章廬江人任南唐雄武軍都虞侯善撫士卒勤于職務出爲虔州節度加中書令卒年九十一

統志

聞人塚字君儀刻意爲學遂以詩學擅名登熙寧三年甲科剛敏練達不畏強暴清白之操人師式之卒年九十

嘉興府志

張無憂道人語人少時將欲屏居山中十歲自以爲不動及出見美色乃

復歉然又入山十年乃始寂定勸人飲食不用鹽脂煮淡食更自有天然味無憂卒年九十貢父詩話

舒煥堯文東坡公客建炎中猶在有子爲湖南一縣尉遇盜堯文年九十矣憂悸得疾而卒老學庵筆記

陸游將至京口銅甌愁汲中濡水不見茶山九十翁頃在京口嘗取中濡

水寄曾文清公劍南詩鈔

雲巢曾無疑博士工文尤精考訂有本朝新舊官制考行于世年既高以隱逸召爲秘閣校勘吾黨之士多勸其毋出而無疑竟出先君竹谷老人送以詩曰泰華山人上赤墀上嗟安在見何遲老于尚父投竿日少似轅生對策時怨鶴驚猿辭舊隱鞭轡咎鳳總新知早陳經國平邊策歸領雲巢舊住持無疑立朝逾年除大社令未及有所開陳奉祠而歸年九十乃終羅大經鶴林玉露

洪祥師宋人人少持齋好誦釋家言寓崇善寺危坐嘗如泥塑竟日不飲食年九十尸解去廣西通志

張赫少有勇畧元季兵亂率衆來附累立戰功封航海侯卒年九十謚曰壯萬姓統譜

丁鶴年博學能文詞尤長于詩性耿介不混于塵俗年九十終于家有詩集傳世萬姓統譜

侯應雷字春卿安仁人博涉經史長于述作見元政不綱不就徵辟隱居山中以詩文自娛所著有春山居士集年九十卒衡州府志

徐洪字彥弘家富號徐半州洪尚禮好士楊維禎倪瓚陳基輩皆延致之元季吳中豪右多踰後洪棄田宅築室天化門外先隴之側布衣蔬食自號桃源小隱年九十而終蘇州府志

劉景洪永新人家富好施遊湖南徐溫間嘗曰吾免二國交兵活人多矣當有興隆者名其北山曰後隆年九十卒子煦歸宋煦子素素子沆景煦題素皆以沆貴贈宰相國公永新人物志

普智江陵人號古山有戒行永樂中採藥遇虎逐鹿智以袖拂虎曰物在天地間各欲遂其生爾虎卽退年九十沐浴趺坐大鐘下說偈而逝闕

權倫年九十卧病子名字侍湯藥寢不解帶既卒負土種樹廬于墓側晨昏哀泣母卒殯亦如之州守以聞旌表門閭倫字民衷學行修明養親二十年親終隱居教授不仕倫父謹永樂中以孝超拜文華大學士人以世德稱權氏云徐州志

趙元銘字廷時號白雲少讀書務踐履雖盛暑未嘗去衣冠人稱爲趙古人年九十忽語其子曰昔我年三十于黃黨山中過一老人鬚眉皎白執余手語曰子有仙風道骨復與期會回首老人不見逾十年又會期我于紫微山昨會臺紫微山得非數終乎言畢而逝分省人物志

蔣瑤爲人端亮清平貌若恂恂遇事不奪武帝嘗索其所治獻賂輒以非土産却之一日調揚州武帝詰曰瑯白布非揚有瑤不得已進五百疋其強毅有執如此卒年九十賜太子太師諡恭靖皇明紀畧

李正春湘潭人平時酣飲饗肉醉卧溝坎中饑蠅惡虫咬之年三十餘斷腥絕慾夜卧妻榻旁晝爲人補巾幘得米二升卽止拾薪自煮食之年

九十曰吾以某日午刻逝及期跣坐化去鼻流如箸七尺許長茂州志

章嵩字士瞻弘治進士戶部主事風度端雅瞻于詞章年九十卒萬姓統譜

文徵明更字徵仲有詩曰勞生九十漫隨緣老病支離幸白全百歲幾人

登耄耄一身五世見曾玄祇將去日占來日誰謂增年是歲年次第梅

花春滿目可容愁到酒樽前樹兩桐于庭日徘徊吟嘯其中年九十為

人書墓石欠伸閣筆而逝羣芳譜

吳訥字敏德常熟人仕御史年九十而終初訥巡撫貴州得代而還都司

官追送黃金若干兩訥不啟封題詩其上曰蕭蕭行李向東還要過前

途最險灘若有賍私并土物任他沉在碧波間時為一時之名臣編年

茅坤字順甫林居五十餘載年九十卒列朝小傳

鞠惠字秀芝嘉靖己丑選貢授廣西平樂府撫治有功加奉議大夫提督

軍務總理平樂兵餉勦戮八源安撫三洞蠻夷感化各地方建石碑列

政績年老告歸卒年九十所著有叢談娛老集智見齋焚餘稿編年

浦杲字東白少孤貧好學長益刻勵每聞未見書必購求手抄以讀故其

學多所該識邑令王術方之林和靖年九十而終學者稱為東白先生
著述甚多萬姓統譜

黃鑑字文叔上高人隆慶庚午亞魁任西和知縣清操不染恬澹無求惟
以詩文娛志接人溫恭有禮年九十卒有娛間詩集人物志

方尚書鈍年九十卒皇明盛事

劉麟字元瑞安仁人正統初知紹興忤瑾去郡人攀留不可得肖像為小
劉太守祠以漢太守寵為大劉也瑾誅累至工部尚書晚愛吳興山水
卜居垣上與孫一元龍霓陸崑吳克結社唱和號茗溪五隱文章節概
並重于時年九十卒諡清惠 紹興府志

廉靖字安卿萬曆進士知肥鄉縣蒞任三載乞致仕嘗一夕坐館中見火
光燭地呼主人至掘之得金主人請分之靖曰我寒士弗敢當悉持去
卽以是年舉于鄉後令肥鄉檢其俸適與前金符居林下講學不輟卒
年九十祀于鄉人物志

丁天祐縉雲人性敦孝友四世同居里中有望聞息爭風壽九十而終

劉賢偉茶陵人以監授霍邱縣丞改武進遷南雄經歷所任有異績性顯
悟善知人所與遊皆知名士年九十始卒

長沙府志

盛攸號奇峯孝友義方邑令陸經術嘗稱之曰德偕心共古言與行同清

龐眉懿德足爲楷模享年九十歲

通志

葉德佐字庭輔松陽人事母至孝天性長厚不侵然諾年及九十示期告
終大司寇沈何山有文稱之子元芳令崇義有聲

處州府志

賀元州益陽人年九十終著梅花百韻

長沙府志

張誠荊州衛人性質樸好施與歲大歉道僅相望出貲周濟多所全活
貸贖金不責其報後泛舟公安遇風溺者甚衆誠得不死人咸異之

九十終

荊州府志

林祥字時和以貢授長沙府經歷太守聞其有學優重之委以荒政多所
全活以子貴居家絕干謁與鄉人優游友善不倦年九十卒

延平府志

尹一第號二西博極羣書

邃天文地理之學既以明經起家遭時喪亂矢

齒譜卷之九

九十歲

古

志不仕杜門督課長子士翰蔚爲儒宗次子士朝領歲薦孫惟日以壬辰成進士諸孫多起明經皆公教也喜吟咏酷愛陶詩年九十猶不輟焉

茶陵州志

倪津字雲橋生平孝友好善樂施萬歷中遇水旱散粟施糜創午莊橋建菩提庵六十外連舉四子府縣以德行給帶冠年九十卒

浙江通志

羅熺號雲麓州學生少穎敏受易張文毅公治之門後謝去舉子業閉戶著書作世慶堂教子孫惠及族人享年九十

茶陵州志

黃孔昭字含美吳縣人崇禎舉人選雲南大姚令斷一疑獄人稱神明令七年人咸德之滇圍監國擢御史拂衣謝去隱居教授子向堅思念行險入滇以迎孔昭意不欲歸向堅哀懇諸門生醵金以請曰先生不歸孝子萬里之行無名矣於是歸經年抵吳僻隱西郊優游林泉復三十年年九十無疾而終

蘄州府志

張師吾字淡如號性所幼有大志弱冠游泮博通經史入棘闈者八次數奇不偶以明經授辰州訓導轉南陽長沙二邑諭工詩文問字者屢

滿戶外年九十而卒有淡如居士集

客陵縣志

黃尚斌名禮遐以字行都監緒之後讀書識大義每閱史至奸臣賊子處輒掩卷感憤嘗見人有盜其困者乃佯爲不知而避之其狷介而能有容類如此九十卒後以孫孔昭貴贈工部左侍郎

太平縣志

婁廷瓚號荆陽方山下人先世相傳有五世科名兩朝坊表之語每一炊間亦不繼遇異人授治蠱方甚神藉以自膳焉戴內翰顥贈以詩曰授藥得炊隨意飯編茅還讀快心書亦知言也年至九十

黃岩縣志

羅鑒茶陵人成化進士弘治初疏上三事出爲廣東叅政以忤劉瑾罷年

九十猶能燈下細書與人處趾童雖亦必禮下之有古長者風

長沙府志

吉良弼字舜肱紹興中辟茂才在循之長樂簿尉秩滿棄官不仕年九十白玉蟾第十七代天師張順字仲孚贊貴溪一尉隱家山靜結茅廬三兩

間九十歲時尸解日時人猶見是童顏

白真人集

又二十代天師張

善字元長贊叅遍名山謁洞天相逢却是活神仙歸來換骨回陽日屈指人間九十年

全上

周訓湘潭人舉六子皆貴之屏字鶴舉公長子也登進士聲翔大郡出入藩臬避嫌引退優游林下者二十年年九十弟之翰之基一以御史著名年亦高一以太守忤俗不愧家學者英相望使士重先輩之行良有由也

三楚文獻錄

梅應奎字念如安陵人萬歷己卯鄉薦六上春官不第仕山西定襄學博勵行率士造就多方庚子閔中分闈稱善得士遷博白令二載茹檠飲冰邑人尸祝鬻居睦族義方訓子壽至九十而終

三楚文獻

劉承先字紹峯江夏人以孝弟信義重于時家素貧年十五父卒乞隣地塋焉墓因近水不吉夢神示塋于高原嗣是自成童歷耄耋凡言行多與神通郡學改建公任其事竹頭木屑不私當上梁衆謂公至誠屬公爲祝辭公第祝每科登榜者五人五名內一人嗣果不爽公以敬神利物爲心父母親屬疎屬貧者力給之鄉人有訟爭不敢令公聞年九十黃燿字東臺亦江夏人俱以孝弟信義重于時家亦貧聞人言孝有三其一用力遂棄書勤力作爲父母甘旨脩隨計諸上留意高皇六諭簡公

與劉紹峯爲鄉總者數十年與紹同心卒勵挽頽飭廢平湖門外新糧
廠且鑄兩鐵牛鎮之與紹峰同卒同年九十又同故合傳之

三楚文獻

徐楚守世望嘉靖進士初授工部出治衡陽堊堊稍沒民曰公曰王堊有制
五十畝外寧可與民爭尺寸王悔謝曰微先生不聞此言先在工部丁
艱歸過山東聞一孝廉爭舟怒罵擲石幾中公額呼公名曰異日見我
陞謁時母怵也後守辰州孝廉行補沅陵令及之任公不語及令頓首
愧泣公笑曰乃公夢雲夢八九久相忘矣辰人歌曰公生于楚且久問
其度量雲夢八九在辰功最著分宜柄國罷年九十一

三楚文獻錄

陳奕禧贈金牛寺張丈閱世滄桑九十翁飄飄雪髯却如蓬

管輅相趙顏主天亡顏求輅延命輅曰子歸覓鹿脯一斤卯日刈麥地大
桑樹下有二人圍碁汝但酌酒置脯飲盡再酌以盡爲度若問汝但拜
之而言必合有人救汝依言而往果見二人圍碁其人貪戲但飲酒食
脯不顧飲數巡北邊坐者忽見顏叱曰何在此顏惟拜之南面坐者曰
邇來飲他酒脯寧無情乎北坐者曰文書已定南坐者曰借文書觀之

見趙壽十九歲乃取筆挑之顧顏曰敕子至九十年活顏拜而回首曰
此邊坐者是北斗南邊坐者是南斗南斗注生北斗注死世說新語注
白繩武洛陽人中順天鄉試躔直事親色養不怠任魏縣勸農防水屢決
疑獄人稱明斷竟以直道不合告歸自號樵澗老人享年九十入鄉賢
祠河南府志

盧季鰲濬曾孫義方訓子屏跡公庭按院徐行部至郡以賓禮接見優賜

粟帛年九十天台縣志

許徵字用正布衣醇樸有隱君子風自宣德至弘正間推鄉耄飲賓饗三
豆以至六豆者凡二十有七壽九十一如皋縣志

九十一歲

秦魏爲與國齊楚約攻魏魏使人求救于秦冠蓋相望秦救不出魏人有

唐且者年九十一一作九十一謂魏王曰老臣且西說秦令兵出可乎王敬

諾遂約車遣之且說秦王遂發兵救之戰國策

庖累者縣官以其年老日給廩米五升不足食自傭作以益之糧盡復出

人與之則不取其年已九十一矣大千生鑑

佛光和尚號如滿居佛光寺東芙蓉山蘭若因號焉讚曰我命上人與師

寫真師年幾何九十一春會昌壬戌我師尚存福智壽臘天下一人靈

芝無根寒竹有筠溫然言語凝然風神師身是假師心是真但學師心

無觀師身白居易佛光和尚真讚

慶曆吳興六老衛尉寺卿張惟年九十一都官張先之父癸辛雜識

羅必元字亨父進賢人嘉定進士真德秀入叅大政必元移書曰傷寒壞

證惟獨參湯可救之然其活者世無一二先生其今之獨參湯乎度宗

朝直寶章閣致仕年九十一宋史

湛若水字元明年八十八遊衡山楚士爲立書院踰三年嘉靖丙辰年九十一再至有遊南嶽講議詩編彙爲集隆慶中卒賜太子太保謚文簡

萬姓統譜

易西泉壽李公序觀茶陵李公年九十有一髮膚明瑩精神完固舉止輕捷眠食雖少壯不如余乃曰有仙在目前而不往求以見之而反敝敝焉求神仙于渺茫不可接之地是以迂且遠矣

語池文集

顓頊氏年九十一崩葬濮陽

本紀

劉賓字子真以世多進趨著崇議論以矯之元康中累官至太傅以病免尋徵授太尉詔以列侯就第賜几杖不朝卒年九十一

萬姓統譜

施鉅字大任武康人政和間登第累官叅知政事清約自持無聲色之好卒年九十一

萬姓統譜

楊潤字伯玉高安人末樂進士授御史有餽金者潤執其人寘諸理仁廟獎以爲能居官三十年龔橐蕭狀年九十一卒後數日隣居火子黃祝曰若先生無愧願全歸之俄而火返樞得免

西江志

陳良謨字忠夫正統進士官叅政著有天目山房集和陶小稿見聞紀訓其詩文溫淳典雅卒年九十一萬姓統譜

徐沆字靜之號淳齋嘉靖鄉薦知裕州性專一讀書廢餐亦不自覺督學徐階目之曰書厨計偕邸中每夜睡口誦史鑑數十卷一字無漏隣友窓隙窺之大駭服歷任兩州不染絲毫林下三十載壽九十一七舉大賓郡邑推重浙江通志

祝彥字元美山陰人領萬曆癸酉鄉薦任德安令多惠政陞潁州知州術良著稱乞終養孝友過人父母年各九十一紹興府志

羅廷寶字方塘萬曆間山東鄒平丞告養歸田絕意仕進舉外姑之喪焚次之旅施棺塋骨陰德過人壽九十一而終雲南通志

李健字廷守縉雲人初任膳部晉四川大叅商人德而祀之生不好讀書憤言動衾影無愧至于孝友清貞尤天植其性年九十有一賦詩而逝處州府志

夏上交益陽人歿年九十有一居恒潛心理學奉母惟謹卒無疾病更衣

端坐而逝

長沙府志

徐楚字世望淳安人進士有文武才累著奇績享年九十有一酉陽鎮南

西蜀皆有生祠

通志

陳楨字貞之號雨奇秉性孝友制行端方好善惡惡皆得其平非其類雖強之不顧也工舉子業見賞於瞿達觀詩文擅長于一時教授後學幾半永陽髦年書不離手一時博學稱公爲最自號淡山頑民著述甚多壽九十一衣冠端坐而逝

零陵縣志

九十二歲

孫謙字長遜仕梁零陵太守以老徵爲光祿大夫謙兼五部所在廉潔
身儉素每朝請猶請劇職自効武帝笑曰朕嘗使卿智不當使卿力年

九十二

萬統

異纂載謙老而頭生二角各長一寸五分

程行湛九十二歲進僕射右相

編年考

孫君思邈自云開皇辛酉歲生今年九十二矣詢之鄉里咸云數百歲人
語周齊間事歷歷眼見以此叅之不啻百歲人也然猶視聽不衰神明
甚茂

唐照隣賦序

慶歷吳興六老劉餘慶中丞年九十二述之仲父

癸辛雜識

宋直閣王瀘溪先生政和八年登第初授廸功郎調茶陵丞以上官不合
去隱瀘溪作詩送胡忠簡在紹興十二年秦檜憾忠簡不已附候諫官
劾其飭非橫議故又有癡兒不了公家事男子要爲天下奇之句紹興
十八年流辰州忤檜時年已七十矣又歷七年檜死始得自便除國子
監簿孝宗卽位以老求去踰年授左宣敎郎直敷文閣予祠祿年九十

有二明年春遂卒

費宏跋宸翰錄後

皇帝御天下有八年凡三賜老人帛于是撫州民張天祐與被寵命初賜時天祐年八十有餘最後之賜則九十有二天祐少好道術善保生回其精神大隱市廛無求于世藏書甚富以勗其子孫其所以至于上壽者蓋異于常人矣

危素賜帛頌序

魏觀字杞山蒲圻人洪武五年知蘇州舉鄉飲禮郡多耆英又有三老人曰崑山周壽誼年百有十歲吳縣楊茂九十三歲林文友九十二歲皆延至特席禮成彬彬可觀壽誼還又躬餞諸郊再拜觀者如堵墻未三年風化興洽課績爲天下最

蘇州府志

歸叔度崑山人爲人敦厚謹恪洪武初避事挈妻子之蜀崎嶇跋涉至某州忽遇山神陰相指示前引數千里巉巖萃嶺幻爲坦境不信宿而達之蜀人見問亦相詫駭居成都二十餘年始還鄉年九十二尚強力善飯每與人追逐舊事輒歛歔泣下然神人救援蓋以平日誠實感之也

編年考

胡拱辰成化進士著績晚亦清謹弘治間御史上其貧薄特給興原正德

初遣行人存問年九十二歷工部尚書贈太子少傅謚莊懿萬州統志

謝中丞年九十二鶴髮丹容尚能騎乘出往迎詔真人中瑞也袁宏道過

蒲圻贈以詩云一行旌節萬人從爭看前朝老卧龍杞梓棟楠俱朽盡

就中留得兩高松是年存問畢少保畢號松坡公號松屏編年考

葛沿九十二歲尚仕大理寺卿編年考

衛浩字季洪永樂中擢監察御史累進諫論上識之曰長面御史直臣也

後遷江州副使以老乞歸年九十二蘇州府志

宛杲字彥昭居家有矩矱樂施與善詩歌與潘植高蹈山林不樂仕進晚

年子琮輩構晚翠樓以奉晨夕吟咏忘老年九十二廬江縣志

周濟字迂直雲間人成化間司訓高安適門生爲督學濟不言后僚友叅

謁獨留欵衆始知之于足儒童皆以請託賂濟及出案悉召諸生曰我

實不言公等自中選耳悉出緘金歸之致仕歸年九十有二編年考

王森邑庠涉經史勵行檢髮請鄉飲年九十二天台縣志

王克鏢字希達壽九十二子鴻壽七十邑令張有九十春光易邁七旬孝子難逢之贈

安慶府志

大臣眉壽至九十者魏文靖驥九十八劉文靖健九十四王端毅恕九十

三尚書王公拱辰陳公雍俱年九十二

皇明盛事

法聰新野人八歲出家梁晉安王來都襄雍乃返禪室見堂內有虎聰以手按其頭虎即閉目伏地王因告境內虎災聰即入室須臾于七大虎至聰命弟子以布繩繫頸而去自是無害又見白龜就聰手取食曰此雌龍也所居夜放光明不假燈燭年九十二端坐而化

一統志

三平大師名義中唐王諷有碑云義中祝髮後依大顛大師寶歷中到潭州三平山住持學者三百人卒年九十二

一統志

扈蒙字日用與從弟載皆以文學顯鄴社間有魚又玄善知人常曰君兄弟當繼典誥命其後皆驗自張昭實儀卒朝廷典故儀制皆蒙所裁定博洽長厚多笑雖侍上前亦不能自止卒年九十二贈右僕射

隆平集

文彥博字寬夫封潞國公致仕年九十二卒謚忠烈子及甫

宋史

顏華山高郵人建炎初鬻筆遇仙日售筆十管則止轉運使見之問曰能飲否曰可飲一斗飲畢長揖去遺所携筆籃子舟中俾左右取還之盡力莫能舉凡得其筆者剖視管中必有一詩或紀其破毀歲月及人姓名禍福無不驗者故以一筆仙稱之年九十二一日積葦庭中坐其上自舉火焚之人見烈焰中乘火雲飛去

揚州府志

龔明之字希仲致仕作期頤堂日飲其間一日感微疾精神蕭爽親友問疾者歌以答之遺令毋設仙釋像于柩前供一水一花誦論語孝經足矣年九十二

吳郡志

王磐佐治功臣官至太傅年九十二卒之久有大星隕正寢之東

史異

石天麟順州人遣使海都被拘二十八年始得還拜中書左丞時權臣用事南燭薰炙人莫敢言麟獨斥其奸人服其忠直成宗大宴玉德殿召賜御藥命左右賜之酒頗醉以御輦送還家武宗卽位進平章政事卒年九十二

謚忠宣

元史

楊德懋華亭人學鍾王書法明左氏春秋惟太極圖通書蚤暮不輟明初

徵天下真才郡縣薦之命下曰唐堯聰巢父之洗漢光遂嚴陵之高富貴非吾願也終不就仕優游湖上課兒鋤田年九十二卒人稱之爲自廢公云

編年考

王良金末爲中山府掾已而棄去吏事潛心伊洛之學及天文律曆無不精究年九十二卒

續弘簡錄

呂升字升章山陰人洪武中鄉貢永樂戊子改山西僉事境多虎患升爲檄告神虎卽就捕後改福建簷事按部至建寧蠱害稼升仰天祝之雷雨驟作蠱盡死兩爲會試同考所舉皆一時名士年七十致仕卒年九十二

紹興府志

周思得錢塘人少穎悟從張宇初讀道家書永樂初召至京嘗扈從北征寵貴優厚宣德正統間累封崇教弘道高士卒年九十二贈通靈真人

一統志

錢塘志作九十三

林春錢塘人賦性敏捷才長身偉受業于真人周思得盡得其醺水禱祈之法而行之以誠多所感召卒年九十二

貴州通志

楊魏字伯謙自太子少保晉太保歸田十五年年九十二明詩傳作歿近

世大臣功名壽考未有其比

列朝小傳

鑑天池寺化主也平居礫礫既老捧鉢無異庸衆亦無能知之者嘉

靖中無疾留偈端坐而逝年九十二

山疏

葉成章南平人以貢任承天府判治績表著援鍾伯敬爲諸生之首年九

十二卒

延平府志

江治字舜卿進賢人年十三補弟子員嘉靖進士補拜南京工部右侍郎

致仕歸顏其亭曰洗心田居騎一蹇驢携小蒼頭與村父相慰勞值歲

饑囑麋白給意泊如也奉詔存問年九十二終戒諸子無以祭塋累縣

官豫章書

尚文在中書省西域賈人有珍珠求售者六十萬錠省臣相顧語曰此狎

忽大珠六十萬酬之不爲過文問何所用衆曰含之可不渴熨面可使

目有光文曰一人含之千萬人不渴則誠寶也一寶止濟一人其用微

矣吾所謂寶者菽粟也一日不食饑三日不食疾七日不食死有則百

上言卷之六

十一 堅不執志

東風傳聞平人以還君承天祚朕當趨奉對輿帥慈爲請主之首平止

卷之十一

天賦性靈
草木蟲魚
各具其性
各得其理
不泯其性
則各得其
理矣

卷之五

大正十一年

九十三歲

大舜九十三歲禪位于禹

編年考

王建贈閻少保詩髭鬚雖白體輕健九十三來却少年問事愛知天寶裡識人皆是武皇前玉裝劍佩身長帶綃寫方書子不傳侍女常時教合藥亦聞私地學神仙

全唐詩

吳志興世篤孝義家世七代約三百餘年不分異積善好施鄉人稱為吳善三公高宗封為廸功郎年九十三子汝明嘗割股療母疾有靈芝生堂側開禧中虜入境他室廬皆焚蕩汝明室獨存嘉定中以事聞詔旌之

萬姓統譜

洪武五年行鄉飲禮吳縣楊茂九十有三與周壽誼楊茂皆行充神完行坐有禮老人而得其人又如此

王彛親鄉飲銘記

劉鍾安化人修道東禹山年九十三歲一日謂其徒曰大水將至遷歛具于高岡已而水果暴至

長沙府志

杭州耆老會處士項伯藏九十三

宛委餘編

李時行太湖人成化時由吏員任南安縣主簿致仕年九十三知縣姚繼

崇旌曰三朝上壽五福全人

安慶府志

李西涯寄壽羅郎中公給事中鑒之父時年九十三矣久從仙骨見覲始

又報春風壽域開滿眼兒孫繼一領遶園松橘是重栽衣冠解說前朝

事車馬翻無長者來州里後生曾致祝十年新札愧新裁

本集

張暈太倉人業畫年九十三耳聰目明能作畫嘗問其何修而致云平生

惟欲心頗淡欲事能節或者賴此無他術也

編年考

程瑞字栗夫秉心孝友尚崇理學捐已地爲文廟基壽九十三詔賜壽官

給事王鉉贊曰種仁緝義志潔行芳烏紗白髮照耀恩光

臨安縣志

文王謂武王曰女何憂矣對曰憂帝與我九齡文王曰女以爲何也武王

曰西方有九國焉君王其終撫之文王曰非也古者謂年齡齒亦齡也

我百女九十吾與女三焉文王九十七而終武王九十三而終

禮記

楊寶黃雀變黃衣少年持玉環賜寶曰俾翁九十三而終

類書纂要

鄭平吳嘉和五年拜征虜將軍咸熙中以功遷左光祿大夫新昌縣公年

九十三今鄭姓者多其子系衢州府志

安平獻王司馬孚卒年九十三孚性忠慎宣帝執政孚常自退損故廢立之際未嘗預謀臨終遺令曰有魏貞士河內溫縣司馬孚字叔達不伊不周不夷不惠立身行道始終若一

晉書

劉鎮之仕光祿大夫年九十三終初鎮之三十歲時病篤已辦函具既而

疾愈因畜棺以為壽至是方用

編年考

顏含字弘都少有操行以孝聞為光祿勳以老遜位郭璞欲為之箴含曰年在天位在人修己而天不與者命也守道而人不知者性也自在性命無勞著述致仕二十餘年九十三歲諡曰靖

晉書

崔遊字子相少好學備術既明恬靜謙退泰始初就家拜郎中年七十餘猶敦學不倦劉元海僭位命為御史固辭不就卒于家年九十三

晉書
儒林
傳

孟詵擢進士第遷鳳閣舍人他日至劉稔之家見賜金曰此藥金也燒之火有五色氣試之驗武后聞不悅出為台州司馬致仕居伊陽山治方

藥睿宗召之以老固辭賜物百段詔河南春秋給羊酒慶弼尹畢構以
說有古人風名所居為開平里開元初卒年九十三嘗曰養性者善言
不可離口善藥不可離手時傳其當

唐書

蕭昕字中明以太子少師致仕卒年九十三謚曰懿昕始薦張鎬來瑱杜
黃裳裴垕其後鎬以布衣不數年位將相瑒為將有威名黃裳等繼輔
政為名宰云

唐書

凌緯字景文昌化人號菊山篤學能文大德中以才薦雪江書院山長詩
棄去著述甚多年九十三卒邑令表曰康節先生

萬姓統編

徐伯琛字通父豐城人受業于清江張洽洽以其子妻之叔齋曰東林有
花竹之勝喜延賓客賙貧施藥無所吝卒年九十三

西江志

王廷珪字民瞻廬陵人胡邦衡論忤秦檜謫嶺南獨廷珪送以詩語且觸

檜坐流夜郎檜死得還數召對優禮主晉台州崇道觀九十三卒

鑑綱

盛逮字景華洪武初以賢良應召賜冠帶叅議大臣事以疾辭歸弟章以
書法被逮父憐其少子不忍遣逮請代之因謫戍寧夏閔中得異人等

引法作原道詩年九十三卒子寅精醫大被眷遇

萬姓統譜

陳明善博覽羣書端方正直洪武間薦明經累官濟南知府年九十三

州志

沈夢麟字原昭博通羣經尤邃于易元應進士舉棄去隱居華溪洪武初

聞其經學聘為京闈考官五司閩浙文衡一考會試年九十三卒原昭

為趙文敏姻家傳其詩法時稱沈八句

錢牧齋列朝小詩集

邵亨貞字復儒入明為松江府學訓導卒年九十三有蛾述文集二十卷

錢牧齋列朝小詩集

王賢德字茂先德化人性質直善醫水樂間屢薦不就嘗道拾遺金俟其

主還之卒年九十三人以為陰德所致

一統志

周思得字養真從太宗北征鞭虎先驅敵潰歷事五朝還山尸解年

九十三勅葬八盤嶺

錢塘縣志

王恕字宗貫三原人正統進士累官至太子太保尚書致仕卒年九十三

謚端毅子承裕歷官南京戶部尚書謚康僖清慎有父風

萬姓統譜

廖訓字尚裕景陵人天順中任新寧教諭人重其方正高察改河南鄆陵致仕年九十三卒

沔陽人物志

熊達字成章成化進士授溧陽知縣興學校毀淫祠煮粥廩以活飢民立義塚以絕水塋擢監察御史歸年九十三

人物志

胡拱辰淳安人歷官尚書功勞著聞弘治間致仕歸家清寒淡素御史上其貧薄特給輿廩正德初遣行人存問年九十三卒贈太子太傅謚莊懿

編年考

高鑑孝事繼母撫育羣弟有司旌其孝義壽九十三墓在錢塘馬婆嶺

縣志

陳紹先字宗述仕王府紀善謝歸爲文簡質書亦清潤家居後以筆硯食人嫌文多不與尤以少貴年九十三

列朝小傳

吳樂閒庚戌進士與劉瑾抗掛冠歸里瑾敗舉召不起遨遊湖山六十餘年壽九十三生以是月是日是時死亦以是月是日是時塋于西湖之

荆山沅

西湖志

楊夢玄字兆禎號節庵事親孝待兄弟友愛宦遊閩邑父老所至尸祝之
致仕歸行李蕭然杜門課子卒年九十三

衢州府志

鄧士美字實卿萬曆間由選貢知靈山縣署中自銘平反袖有陽春脚清
白堂無暮夜金爲政簡惠百姓稱之引疾歸靈山如失慈母士美性直
方老不忘其初王司李嘆而訪焉旌之年九十三

廬州府志

徐慶麟將樂人以歲貢授主簿轉曲江丞端方廉介署縣多善政遷經歷

卽掛冠歸年九十三卒

延平府志

過龍字雲從隱于醫著針灸要覽十四經發揮茶經各一卷與祝京兆文
待詔遊自號十足道人年九十三卒文徵明有十足道人傳

蘇州府志

范威縉雲人慷慨好施事父孝諸弟幼拮据成家同爨五十餘年子孫守
其家法屢舉鄉賓壽九十三

處州府志

洪雲翼字望治博洽工文慷慨好義明經任浙江宣平令著能聲解組蕭
然賣文自給壽九十三

安慶府志

袁廷憲字爾章晚年工導引年登大耄鬚髮雖蒼面若童孺步履翩翩所

至爭以爲人瑞云年九十三著有笈山堂文集龍眠風雅
慈湖先生王幼學年九十三卒廬州府志

許晴鐵自號十只道人年九十三卒文辭簡古十只道人

張子雲字子雲十只道人年九十三卒文辭簡古十只道人

梅原龍年九十三卒

劉子雲字子雲十只道人年九十三卒文辭簡古十只道人

白雲龍年九十三卒

士美字子雲十只道人年九十三卒文辭簡古十只道人

...

...

...

九十四歲

睢陽五老畢世長年九十四歲詩云非才最忝預高年分務出來近掛冠
敢造巨賢論軌躅幸依都府得盤桓篇章捧和慙風雅眷待優隆荷歲
寒倘許衰容叅盛列願憑繪事求傳看

事文類聚

梧州博白縣有新村吾曳杖其間見兩老人坐飲乃兄弟也大者年九十
四謂客曰此吾幼弟七十八矣從旁環而侍者皆兩老之曾孫殆可入
圖畫也

蔡修叢話

鄭暈字錦溪忠厚寬仁萬曆十六年大飢死者枕籍暈施棺爲歛出谷三
百石賑飢壽九十四齒德並隆邑令鄭日近常執弟子禮焉

臨安縣志

湛甘泉先生嘉靖甲辰年八十四遊衡山講學紫雲峯之麓又十年甲寅
先生年九十四復遊衡山舟經石鼓題詩壁間云衡雲爛醉六十日江
南痛飲蒸江頭含情吊古無言說石鼓無聲江自流棲遲衡岳復數月
龐眉皓首其顏如童人望之如仙焉

衡州府志

應尚書大猷今九十四尚無恙諸子俱貴顯皇明盛事

葉春光字和伯好周人急待舉火者恒數十家蓋孝友任卹其天性然也
年九十四美顏色健步履不衰惟戒子弟以孝弟勤儉力行善事錢塘縣志
周之易萬曆時人壽九十四嘗自題其像曰榮辱無與戰兢自持老之將
至我則何如安慶府志

張芳字德茂新寧人任雲南太和縣丞時母年八十芳思母假公歸省事
竣辭母曰吾無再見汝矣芳泣下遂棄官養母母年九十終每日夜齋
沐哀奠歷年九十四而孝思不衰夔州府志

王學九十四歲以尚書在家詔賜存問編年考

衡山耆壽姚純弼年九十四鄉飲二次衡山縣志

員半千字榮期睿宗朝召爲太子右諭德仍學士職累封平原郡公表丐

骸骨有詔聽朝朔望半千事五君有清白節年老不衰樂山水自放開

元九年遊堯山愛其地遂定居卒年九十四卽塋焉吏民哭野中唐書

文彥博歷仕四朝出將入相五十餘年立朝端重顧盼有威卒年九十四

謚忠烈編年考

石田先生沈周年九十四卒 紀錄彙編

葉澣字儁齊元符進士葉官弋陽縣之遇春號漁隱八十二十一孫壽九

十四周三畏誌其墓 西江志

嚴九齡字德延新喻人質敏嗜學教授里塾高蹈不仕紹興間薦薦不出
年九十四終 萬姓統譜

嚴思義字仲和臨川人乾道進士誨人以踐履爲先朱熹薦之任至寧國
府倅全活淮民流徙者甚衆老歸故里卒年九十四 一統志

王格字汝化京山人罷官歸年才強仕及卒年九十有四奉詔存問者再
嘗遊峩嵴遇道人韓飛霞還山遇雪蓑翁授吐納服食之術晚年鬚髯
如戟腰帶倍人楚人以爲神仙能度世云 事文類聚

陳昞字仲圖麗水人永樂庚子舉于鄉篤于母養無仕進意郡守張公佑
周公祺每禮爲大賓年九十四終 處州府志

王懷字景符師事包思魯得其奧旨隱居山林以道自處弟子受業者皆
循蹈正學卒年九十四 西江志

劉健字希賢洛陽人天順進士仕至華蓋殿大學士忤瑾致仕卒年九十
四贈太師謚文靖健骨相奇古學問深粹行淳履正高
貳偉材進不盈
後退不窘戚後世賢輔稱最萬姓統譜

彭懋字汝德南昌人嘉靖鄉舉任順昌庶事畢舉日進諸工析義校課歷
按察僉事歸無長物年至九十四歲
人物志

邵琇字佩之號曉峯富陽人師湛甘泉先生嘉靖中授四川崇慶府通判
巡按謝瑜劾嚴嵩坐謫忌者因謀中琇謫蜀多託吟咏新亭晚霽詩山
巔暮靄雀呼出松頂晴雲鶴戴還三巖寺花老不煩風力落爲諸公所
稱至以佳句相呼如張三影云年九十四卒有睦岸集
富陽縣志

賴士暢永安人年九十四歲
延平者壽傳

李榕字全年罷同安教諭歸構一高樓俯瞰東湖區曰玩鷗
湖不與鷗爭水到岸方知我家讀書澆花老而不倦卒年九十有四
人物志

蕭時亨字如恭臨桂人攻軒岐術遠近求藥者不計利與之
立應症訓

九十五歲

衛武公年九十五猶箴警于國曰苟在朝者無謂我老髦而舍我也必其

格于朝夕以警戒我

國語

香山九老僧如滿年九十五歲

類事攷

張鄧公士遜三入相景祐五年與章郇公得並命象已七十五歲後二十

年西賊叛命物議罪之除太傅致仕以詩白郇公云赭案當衙並命時

兼葭衰朽倚瑤枝如今我得休官去鴻入高冥鳳在池當時輕薄子改

曰赭案當衙並命時與君兩箇沒操持如今我得休官去一任夫君鶻

露蹄聞者無不大晒也

王陶譚淵

蔡襄題龍紀院僧室山僧九十五行是百年人焚香猶夜起喜酒見天真

蔡忠惠公集

慶歷九年知州馬尋常宴六老于南園周守中年九十五酒酣賦詩胡瑗

作序刻石園中

浙江通志

樊通縉雲人年九十五郡侯傳贈云加五載真成百歲只一身直配三才

壽百三歲著默庵集

處州府志

劉鶚之祖字正叔聞翁九十有五時人以衛武公曰誦抑詩自警之事美之抑之詩斯言之玷不可為也又曰相在爾室尚不愧于屋漏其慎言慎行至矣翁以實其言行貽厥孫謀殆亦武公之意歟劉氏祖孫壽而德少而才一家有二瑞焉

吳澄劉鶚詩集

江鍊聖江人壽九十五弟鉞壽九十四

安慶府志

徐霈字孔霖江山人師事陽明悟良知之諦抗救憂言廷杖直節凜然督學天中提拔士類多成鉅儒解綬歸里著書談道老而不倦年九十有五

浙江通志

陸樹聲九十五歲皇太子立詔儀部郎再存問公遣孫景元陳謝特賜入

監讀書

編年考

查道亨懷寧人壽九十五妻莫氏年九十七蒼顏皓首夫婦齊眉時人榮

之安慶府志

應大猷九十五歲以尚書詔賜存問

編年考

郭弘躬

一作

字仲孫習小杜律寇恂以爲厥曹椽斷獄至三十年用法平諸

弘所決者退無怨情郡內比之東海于公年九十五卒自弘後數世皆傳法律子孫至公者一人廷尉七人侯者三人刺史者二百石郎將者二十餘人侍御正監平者甚衆

後漢書

刁廩協曾孫父暢晉右將軍劉裕以嫌先誅刁氏廩與父故吏奔姚興後

歸魏以建威將軍討裕徙鎮濟陽封東安伯卒年九十五謚曰簡

志一統

陳察字晦叔熙寧進士知石城蔡京過之忤京京當國召命再至察亟引

疾致仕歸後入元祐黨籍年九十五

蘇州府志

王圻字元翰晉秩陝藩年未五十遽請歸養爲園栽竹前後梅花數十里

讀書其中今所稱玉庵是也年九十五輯有續文獻通考稗史彙編

府志

王國象性誠篤歷官卓有政績歸里以勤儉訓子孫事父怡顏順志年九十五歲而卒子呂濱事父盡孝道年亦九十餘人以爲孝行之報云

通志

蔣頤字思誠號介石成化進士授主事簽事湖廣治劇使張忤忤劉瑾罷歸瑾敗朝廷理公前疏晉階三級家食五十年清約自守有司不得見其面會郡大火獨公居與范節婦居無恙有上留蔣清官下留范節婦之誥嘉靖壬子卒年九十五著有適意錄臨海縣志

吳鉉卿黃平州人世傳先天教鉉卿道行純脩遠近奉之如真仙年九十

五無疾而終葬時舉棺甚輕人謂尸解云

貴州通志

高崗字子升處州衛人文景子也性孝友嘉靖壬子鄉薦授金谿令陞臨江別駕俱有政績念父老耄臺謝政歸養尚艾年也好施樂與舉賓筵三十有六麗水令樊公以世德臨其廬享年九十有五

處州府志

卜吉桐鄉人天順貢士任崇安縣訓導陞武陵教諭名重一鄉年九十五

卒萬姓統譜

致仕尚書湛若水年九十請賜存問又五年而卒盤駟 編年載先生卒

年九十五有大星隕于廣州之河南其聲如雷

萬尚烈字思文新建人諸生時卽以正學爲已任師事章聘君潢肆力于

性命之學金聲請王新安還古書院年九十五卒

人物志

朱袞字文德擢刑部郎清滯獄理冤抑計三年全活百餘人出守思恩數

日即致仕買地置義塚人至今德之卒年九十有五

人物志

趙錦安貧人嗜學嫻于詩賦人稱東谷先生年九十五卒

人物志

曾舉字直卿萬曆進士出知潞安治行爲天下第一舉遽乞歸乞致仕門

人私謚敬修先生享年九十五

吉州人文紀畧

歐袞字補之太守王景嘗致問云人生七十古來稀歐老人袞九十有五

矣甚可嘉尚鮮肉白采聊致養老之意不必來謝後越四年乃卒年九

九零陵縣志

劉正章爲人謹厚年九十五歲鄉里皆推重之

零陵縣志

王葵一生好善和易樂施三院給帖縣令致請飲賓四次年九十五歲卒

餘杭縣志

王葵一主簿時人號曰三劉命劉毅有文書劉寶有大平此十五
隆王章爲人謂學平此十五歲灤里習並重之零刻烈志

北
平
通
志

客語曰：「鞭肉曰米泔，迺養母之意，不必來博，對戲四千，以奉公。」

燭夜半而一人半十景皆避開一人半十古來蘇燭透人宛此十

人誦盡過決主事平此十五吉附人文附畧

吉州人文彙畧

會亭學道陳繼士出收鄧定翁爲天下第一學數子嗣子並升

散餘食人濟乏
清煩人懽與谷
共平此十正卒
人懽志

日噴煙土置置人至今齒之卒卒此上正

入林志

宋孝子文蔚其情厚哉

王孫安國

八

九十六歲

王希夷徐州人孤貧好道父母終爲人牧羊取傭供葬畢隱于嵩山玄宗東封勅州縣禮敬時年九十六玄宗令張說訪其道義說甚重之以年老不任職事乃下詔褒美可中散大夫守國子博士特聽還山仍令州縣歲時贈束帛羊酒并賜帛一百疋

大唐新詔

元和己亥知章已百年矣往來會稽武夷吳興山水間以藥爲市人賴以濟祖貫常于天台授其斷穀升經其論有理非常時道家流所說也貫得其術今九十六年而言知章猶在世間然則誠得仙矣

廣川書跋

趙槩字叔平龍溪人父忠助疾傾貲求醫曰苟疾愈雖子孫飢餓吾亦無憾矣父年九十六母鄭氏年九十九將卒曰吾願爲汝子以報後槩妻有娠夢其舅曰吾某年月日爲汝子及生子彥臣官至朝散大夫封槩朝散大夫賜緋衣子孫貴顯

類書

應大猷字邦升仙居人正德進士歷官刑部尚書年九十六隆慶萬歷兩詔存問子八人存初南評事存性丙辰進士任知府存卓己未進士任

副使孫曾至六十餘人

萬姓統譜

俞貞木石澗先生之孫年至九十六嘗見其題趙仲穆畫馬一絕頗有風致
芳星方墮墨池中飛上蒲梢八尺龍想像開元張太僕朝回騎過午

門東

玉堂漫筆

劉極懷寧人嘉靖時多壽九十六巡按賈良題賜壽官

安慶府志

周應龍嘉靖時人任經歷壽九十六

安慶府志

蔡和太湖人壽九十六舉鄉賓身歷世穆神光熹懷六宗有司朔望遣問

匾其堂曰六朝耆老

安慶府志

鍾沙泉茶陵人嘗夜拾遺金十七兩待旦俟失者還之其夕夢神語曰汝

今七旬壽止二年矣以還金德加二紀後果九十有六州守蘇泰初敦

几杖之禮作造廬讚

長沙府志

壽官麻定年九十六歲

延平府志

蔣建號舒江嘉靖乙卯舉人任江西建昌令守官清慎以撫字聞遷饒州
府同知饒民德之立祠祀焉以兄老乞休歸優游泉石年八十二兄廷

年九十有六 廬州府志

張仲信太湖人壽九十六次鄉賓四子十八孫以慈孝著鄉里多取法

焉人稱柳溪居士 安慶府志

王京寶范儒皆九十六歲 延平府志

潘灼望江人壽九十六韓相亦九十六 安慶耆舊傳

笑成鯉萬曆間丈田爲有糧無田之民甦困邑蒙其休年至九十六 艇評

胡正茂爲人孝義見隣居二人爲債所逼買婦鬻女悲號不忍別正茂與

金贖之是夜夢神告曰汝當天死因力行陰騭賜汝永年正茂果年九

十六孫亦登榜 浙江通志

蔡慶映號恒庵家素饒隣戚以緩急告無不應貧而負者火其券子五人

年九十六孫克謹亦以孝友稱于鄉 浙江通志

李恂字叔英少習韓詩教授諸生常數百人拜侍御史持節使出州宣布

恩澤所過皆圖山川屯田聚落百餘卷悉封奏上肅宗嘉之拜兗州刺

史以清約率下有威重名威恩並行後坐事免官徙居新安關下拾掇

實以自給年九十六

後漢書

呂岱字公定孫權初統事岱處法應問甚稱權意後爲交州刺史討平高涼等賊時已八十體素精勤躬親王事張承稱其功以權成化以道合君子嘆其德小人悅其美後拜大司馬卒年九十六

三國志

李長者自滄州來孟縣日惟食十枣一栢葉小餅後至冠蓋村遇一虎馴伏長者遇虎曰吾欲釋華嚴經可與吾擇一棲止處虎遂引行至神福山得一龕居之以著論年九十六化于龕中

一鏡志

吳懷玉生平曠達尋靜武夷山中行坐常閉目人問之故不答因稱爲眇翁年九十六而化初真人之未解也嘗醉指武夷君像曰歲在戊子降爲人主指魏真君像曰三十有八載當撫平四海後果歷驗真人化之明年太乙宮監齋後遇真人于京城而言武夷瑞世之說尤詳故楊文公集云真宗神宗哲宗皆自十三仙中來陳覺民武夷山詩云昇真洞口接天門靈艸丹花日日春聽說列仙來瑞世三朝德澤在斯民

武夷志

鄧春卿字榮伯甘貧樂道崇寧初詔舉

鄧春卿字榮伯甘貧樂道崇寧初詔舉

後舉八行章清又以名聞俱辭卜築南山二公累造其室一日章訪之
春卿謝不肅詩曰在陋愧無顏子志過廬難似魏公心望塵不敢希潘
岳雲滿山頭雪滿簪和者數十章自是高卧卒年九十六有詩文三卷
萬姓統譜

王霄詹州人以貢士任辟雍三年建炎初歸鄉潛德不仕年九十六歲衆
推爲鄉先生其妻吳氏亦九十餘郡守以聞霄授初品官吳授孺人萬姓統譜

鄭昭叔字顯仲朱文公守漳州朝廷欲行經界之法乃取昭叔知仙遊日
經界次第申之司上之朝省下之部屬使官吏有所取法且曰昭叔致
仕家居老壽康寧九十六歲而終亦誠心愛民之報萬姓統譜
張拱辰字端明博學工詩不事舉子業絕意仕進自號全隱卒年九十六
嘉興府志

袁昌字嘉茂博物工詩年九十六卒布政潛祺表其墓天台縣志
費復初字克明至正間知太倉柯九思爲政績詩以美之有黃霸方稱第

一 人之句後再任二十六年明兵圍城率民歸附歷按察副使卒年九十六

蘇州府志

文質字學古有學行詞章奇放常與楊廉夫夜行玩梅花燈立賦云五出玲瓏四面分一身挑月照黃昏歸來踏遍橫斜影吹落東風不見痕年九十六卒

蘇州府志

王英益都人善用雙刀號之曰刀王至元中李志甫兵起英已致仕伯撒里曰非刀王不可乃使迎致之英曰國家有事吾可坐視乎按鞍橫槊精神飛動馳赴焉至正中毛貴陷益都英年已九十六謂其子曰我世受國恩尚忍食異姓之粟以求生乎數日卒

元史

吾也兒珊竹氏貌甚偉腰大十圍從太祖征伐皆有功憲宗元年召問東爨事曰臣雖老尚藉威靈指揮三軍敵國猶可克况東偏小醜乎帝壯其言問飲酒幾何曰唯所賜帝大喜賜錦衣各馬俄謝病歸帝憫其老曰太祖時宜勞至今者獨卿無恙卒年九十六

元史功臣傳

陳謨字一德幼能詩文邃于經學旁及子史百家隱居不仕究心經世之

務洪武初徵詣京師賜坐議禮未濂等請留爲國學師引疾辭歸卒年

九十六著述甚多

明史稿

徐子行上虞人正德間父文彪以忤瑾戍鎮蔣子行奉祖母孝養脩至父書自萬里至慟絕復甦父赦歸出其私貲佐父立宗祠置義田義學年

九十有六三舉鄉賓郡守湯紹思特表孝義

紹興府志

張朝臣字世忠扶父瑤觀過洞庭大風舟覆朝臣抱棺慟哭須臾風止他

舟救之始免朝臣由貢士終藍山教諭年九十六終

南安府志

黃鑑晚年結茅千山游息其中遇花晨雪夕賦詩酌酒爲樂八十歲有司嘉其賢以養老故事給粟帛部使者某具金幣聘鑑與其尊人游鑑辭不受自扁戶靜坐海內名士求一見不可得九十六歲卒門人錢福爲之傳所著有山樵傳說

編年考

文軒迴蒼竹山然軒

餘年

不受自歸可謂坐藏內谷士非一良不可得此十六歲卒四人

羸其質以養其幼車餘粟帛時時其具金帶與其尊人

黃繼強平餘葬于山然息其中與蘇景雲父相若酒酣

此姊之故發脾可由貢士餘蓋山然餘年十六

歲時四守世忠封父誼贈歐風大風山然餘年十六

此十六三舉陳寶淵中然餘思其妻葬

書自萬里至惻然喪喪父然體出其然贊其父立宗師

翁子行上其人五餘聞父文然以升塾然與葬于

此十六替振其

附史辭

卷九

附史辭

九十七歲

張元始荊州人年九十七方生兒見遂無影年一百十六歲卒將亡人人告別乃至山林處處履行未幾而終

梁肖映傳

同州司馬裴沆伯自洛中將往鄭州晚程偶下馬覺道左有人呻吟因尋之見一病鶴翅上瘡壞無毛忽有老翁曰郎君豈解哀此鶴耶若得人血一塗則能飛矣裴頗知道性高逸曰請刺臂血老人曰須得三世是人其血方中郎君前生非人唯洛中胡蘆生三世是人矣可能干之乎裴欣然而返却訪祈之胡蘆生初無難色開幙取一石合刺臂滴血及至鶴處老人已至及令盡其血塗鶴言與之結緣復曰我居去此不遠可少留也裴因隨行至一庄裴渴求茗老人飲以杏漿不復飢渴復引裴視鶴鶴毛已生矣且寄書其叔叔因遊王屋不知其終裴壽至九十七矣

西陽雜俎

黃廷玉字德符天祐中署上游民德其保障累功二十四考有司上其狀于南唐時授銀青光祿大夫年九十有七

南安府志

樸素新安衛左所鎮撫勿孤事母極孝年十六母喪塋問政山去家十里

素每日至墓泣拜雖雨雪無間得壽九十七鄉人敬慕之萬姓統譜

朱衣字雲衢篤學力行博綜羣書指陳時務無不切中以明經秉鐸金沙

識王肯堂于諸生中後為時名臣于士廉以安車迎衣規畫地方利弊

甚悉士類重之與鄉飲十七次年九十七里中稱其有俾風教云餘杭縣志

陳鏃邑庠生性溫雅貌年醇樸年九十七視聽不衰彭按院旌匾國瑞給

粟帛天台縣志

陸宮保樹聲字與吉號平泉嘉靖辛丑會元五疏得賜告年九十七詔存

問者三無病而逝贈太子太保謚文定列朝小傳

葉崇嶺嘉靖時壽官九十七安慶府志

王延壽嘉靖時人壽九十七安慶府志

古鏞仕大理佐少卿九十七歲猶能躍馬豪飲時人謂之古進士編年考

王立德號合溪潛山人忠厚樸直捐貲修菖蒲堰建顯化庵三舉鄉賓壽

九十七安慶府志

徐子麟字世亨以貢教諭潮城動遵禮法有彥方之目年九十七浙江通志

劉應恒望江人壽九十七龍子相亦壽九十七安慶耆舊傳

李榮年九十七歲延平府志

羅汝芳嘉靖時貢生淡于世俗以一經授生徒所就多知名士授鎮江府

訓力崇理學士風丕變解組歸里邱壑自娛壽九十七又有朗其瑞王

琴白受采皆桐城人俱壽九十七安慶府志

衡山耆壽趙永晟年九十七姚純弼年九十四吳明試諭理戴月俱九十

蕭泰中八十四羅森八十三文源賦八十一康希上曹鳳朝唐登化曹

克岐鄭尚仁劉必騰王國林皆年八十衡山縣志

文王九十七終禮記

來敏字馭達敏以荆楚名族東宮舊臣特加優待廢而復起後以敏為執

慎將軍欲令以官重自警戒也年九十七卒三國志

續咸字孝宗上黨人也性孝謹敦重屢道貞素師事杜預著遠遊志異物

志汲冢古文釋皆十卷行世年九十七晉書

黃泓字始長斥邱人仕前燕慕容暉以老歸家歎曰燕必中興其在吳乎恨吾年過不見耳年九十七卒後三年僞吳王慕容垂興焉十六國春秋
蕭德言字文行太宗朝官弘文館學士請致仕不許下詔敦勉封武陽縣侯進秘書少監高宗立拜銀青光祿大夫全給其祿遣通事舍人卽家致問乘輿至肅章門引見禮遇隆重卒年九十七贈太常卿謚曰博學儒學傳

鄭瑤號丹崖初授龍虎山王時佐傳度得其術符水最靈傳邪驅魅其效如神卒年九十七而逝真仙逸史

郭雍乾道中屢徵不就賜號冲晦處士孝宗知其賢每對輔臣稱道之命所在州郡歲時致禮存問卒年九十七弘簡錄

李士安字永和以特奏同學究出身爲人不妄喜怒累爲州牧後請老得養生之術視聽不衰年九十七卒子孫官至朝奉大夫四人人物志

楊大夫者宦官也年十八爲冥司所攝案領示一人見其名字歷年十八旁有一人爲之請乞願許再生久之而冥官見許後縱意閑放性以金

石爲務未嘗有疾年九十七而終

雲笈七籤

王與之字次點從松溪陳氏學傳六典要旨著周禮訂議八十卷郡守趙汝騰進之朝云與之踐履無玷守節不踰皓首著書真經明行修之士其書精粹可裨聖明之治遂授賓州文學通判泗州年九十七卒

周禮

片

程彥實攻遂寧城下之日左右以三處女獻皆殊色公訪其父母還之泣

謝曰願太尉早建旄節彥實曰但得死時無病更好後年九十七無病而逝

大千生鑑

徐孝祥家貧力學不干仕進于屋後掘地見白金輒掩不發居三十年爲

至治壬戌歲大飢乃盡發之以賑貧乏全活甚衆卒年九十七

蘇州府志

謝應芳字子蘭武進人自幼篤志留心性理之學尤工詩文元末避地吳

中本朝平定始居崑陵年九十七終著有思賢錄辨惑編崑陵續志龜

巢集

萬姓統譜

彭應洪字玉山茶陵人母病方士言惟人肉可療洪割股以爲鹿肉進之

果愈時饒州守賜匾凡里中祈禱推爲香首輒應年九十七歲如夢而終

長沙府志

高賢寧濟陽諸生也建文中貢爲國子生靖難兵攻濟南不下以箭射書城中賢寧作周公輔成王論射出城後被執命官之固辭得遣歸年九十七卒

萬姓統譜

范崇仁正統時人隱居好讀書精丹學嘗曰三餐淡薄三餐福一日清閑

一日仙壽九十七

安慶府志

吳昉字世望鄉薦至京授吏部文選司考察公獨門無私謁上賜白金獎賞以忤權貴謫戍山西會靖遠伯征雲南舉叅軍務勸給還所掠子女八百餘口衆戴其德立祠祀之以功復銓曹年九十七具朝服賦詩謝恩卒

浙江通志

顏聰懷寧人幼孤貧不知書鬻茶爲業有李生時與同遊忽夜半聞兒讀書大悟曰此吾所宿記也自典籍及三乘百家之理叩之靡不貫通一日忽治裝若遠行語其子曰吾將遊荆襄李生且至策杖迎之相與徒

步而往三年歸與生拱手曰後會不遙轉盼失生所在越數年召其子孫咸集曰某月日時吾當遠去至期而飲食起居無異也次日雞鳴沐浴焚香端坐戒子曰吾愛豹嶺山水將卜塋于此四載後年月日時會四辛當奉予寔言訖而逝年九十七

安慶府志

洪祥字士高黃梅人性渾成無疾言遽色事親孝養脩至父卒思慕不置見父形于醺薦鏡中人謂誠孝所感年九十七終里閭評洪有隱德號隱德先生

萬姓統譜

阮悉廣西懷集人萬曆鄉薦初令英德調雲都講學邑人建祠以祀遷雷州欽州民皆立去思碑致政歸奉母年九十七終

廣西通志

限逢休男習立去思縣廷延過奉世十十餘

與西風素

列添適西蜀某入萬觀瞻薰時令英新隨渠游學弓入義師以師數雷

烈風去也

萬故難端

良父派干賴薰中人暗媚幸世風平世十十餘里開信與何烈薰

英雅字士高黃琳人卦戰烈無幾言觀弓車驟著養前至父卒思慕不

四辛當奉字安言詩而致平世十十

安與和志

不焚香跪坐延平曰吾愛溪山山水樂小整平世四清愛平世

有烈果曰某日日報吾當去至隱而食鼓琴漁吳山天日觀

赴而登三竿體與世其平曰炎會不強轉卻失主世亦微

九十八歲

老父姓賈名昌開元元年癸丑生元和庚寅歲九十八年矣視聽不衰言

甚安徐心力不耗語太平事歷歷可聽陳鴻祖東城老人傳

馬儉年九十八返真而白雲舉焉列仙傳

晉武帝時一羌人姓姚名叡年九十八好讀書嗜酒弄戲笑滑稽常歎口

九河之水不足以清麴蘖八藪之水不足以作薪蒸七澤之粟不足以

克庖俎凡人稟天地之精靈不知飲酒者動肉含氣耳何必木偶于心

識乎好啜濁糟常言渴于淳酒人狎之呼爲渴羌王于年拾遺記

王茂端養母至百歲自年九十八歲清健不衰人呼爲王靈寶天台縣志

齊錠字從祖年九十八歲五舉賓席弟錫飭砥行並稱長者王好畤評

魏禪字仲房號南齋一號平齋家居二十餘年布袍糲飯不治生理年九

十八御史梁昉言禪耆德請如漢故事優禮之上御奉天門顧禮部曰

尚書魏禪壽及百齡兼有德望朕深嘉悅其勅遣行人存問賜羊酒有

司月給米三石贍之勅未臨浙而公薨諡文靖李賢古穰雜錄

梁龍家貧好學澹泊自鳴早歲食餼領鄉貢不廷試三十喪偶不娶曰吾聞楊叔節三不惑稱于漢史豈異人哉不復娶年九十八猶手不釋卷敦行慈謹廣西通志

安定王彭肝居廬陵兄弟五人爲太尉者四子十一人皆檢校太傅太保六曹尙書諸鎮刺史孫二十七人相繼登進士第爲顯宦傳又言王享年九十有八績學不衰子弟從授二戴禮及春秋者千餘人非有絕人之資不至是也歐陽元彭氏族譜序

李明榮思南人性質樸好讀書隱東溪年九十八未嘗一至城市尤敦友愛五子凡四世不分居流賊之亂村落俱避被害獨其家以尚義免省志

王文祚將樂人由歲貢授撫州知府居官清儉尤善書太守優禮禮之致仕年九十八歲延平府志

羅胤元少耽山水負氣豪邁善琴瑟書画精堪輿晚學修煉壽九十八五舉賓筵七子六十四孫有聲庠序鄉黨稱善同上

陳凱南平人壽九十八歲延平府志耆舊傳

賴宗鏞年九十八歲同上

陳漢正德時人剛而能容直而有理鄉黨咸則效之屢赴賓筵給賜冠帶
壽九十八安慶府志

魯田宿松人壽九十八安慶府志篤行傳

管熙望江人壽九十八安慶府志耆舊傳

端公號近峰姓袁氏幼未讀書久之習靜漸通文理年九十八神明不衰

崇禎末預定日期示寂富陽縣志

顧璵九十八歲歲在鵠火而崩塋東都頓邱廣陽里帝王世紀

吳祐字季英因忤梁冀出爲河間相因自免歸家不復仕躬灌園蔬以經
書教授年九十八卒後漢書

薛強字威明幼有大志懷軍國籌略與北海王猛同志友善薦于晉穆帝
伐于陳川姚興聞而憚之遣使重加禮命徵拜光祿大夫七兵部尚書
封馬翊郡公轉五戶尚書年九十八卒萬姓統譜

高允字伯恭少孤崔宏曰高子黃中內用神明外照必一代偉器孝文時拜中書令卒其第惟草屋數間布被緼袍帝賜絹五百疋粟千斛年九十八卒同上

章全益涪城人少孤爲兄全啓所鞠母病全啓割股膳母而愈及全啓亡全益服斬衰斷手一指以報不畜妻僮僕處一室賣藥自業世傳能作

黃金居成都四十年號章孝子卒年九十八

唐書孝友傳

潘師正十三喪母攀拍泣血廬墓摧心以孝聞得道術居逍遙谷高宗幸東都召見問所願曰茂竹清泉臣所願也帝尊異之卽其廬作崇唐觀及遊奉天宮又勅直逍遙谷作門南曰仙遊北曰尊真時太常獻新樂帝更名祈仙望仙翹仙曲年九十八卒謚體元先生

萬姓統譜

林石卒年九十八詳九十餘浙江通志

延壽禪師初爲縣吏因買放生虧耗庫錢罪當死臨刑顏色愉愉王釋其罪遂修爲僧九十八歲合掌坐化武林梵志

胡進思字克開事吳越錢氏爲尚書左丞請告歸旣又以錢氏自相圖位

內難將作時年九十八歲發疽而殞鄉人立廟祀之隣人陳什醉舞庭下卽嘔血死公子尙書璟再拜得甦醉者降曰姑試耳後過客敬禮莫敢正視遇水旱疾疫禱之如響嘗和間睦寇方臘起上命童貫討之裨將揚可世夢神告曰吾當替公一戰且謁祠下乃意中所見神兵至睦州見白馬前導大敗賊兵擒臘因奏績于朝勅廟顏曰靈昌今在奉化縣寧波府志

蔡恢字汝大南康人事父至孝菽水盡歡睦于兄弟至老無間至大戊申郡長燕只不花敬禮之疏于朝卒年九十八

南安府志

徐琦字奇玉登進士歷官南京兵部尙書勅有祗事國家勤勞茂著之褒使南安餽贈悉却之楊士奇画梅題贈曰兩度南安奉使來玉葩曾見嶺頭梅天朝使者清如玉不帶飛塵半點同享年九十有八詔禮部諭祭

西湖志

文徵明字徵仲林子初名璧以字行長洲人貢士嘉靖初薦舉翰林待詔告歸詩文書画文學德行爲時宗仰年九十八而終類書

三

四

縣志

梁寧越州志

此良自惠簡義大娘親共謝觀因奏意于時陳祖隨曰靈昌今亦奉外

九十九歲

交趾道士年九十九因渡船壞結茅居之畜一獼猴大如蝦
案間道士食已即登几食其餘又有龜大如錢置盆中時
列仙傳

北齊邯鄲郭公歌邯鄲郭公九十九溫庭筠有邯鄲郭公詩佩文韻府

竹鶴老人何太守享年九十有九徐中書南嘗問曰老人有何修養之

道而致壽若此答曰只是好吃的不要多吃不好吃的全不吃徐克暖妹由筆

許瓊鄆陵人年九十九長子年八十一次子年七十九再次子永年七十

五開寶中永罷盧氏尉求近地一官就養太祖召見親臨顧問久之言

唐末以來事歷歷可聽詞氣不衰上悅賜襲衣犀帶茶帛授永郾城令

弘簡錄

東元嘉合肥人任通城簿毀淫詞正風俗攝令以政最聞後知泰州賑濟

有恣累至樞密承旨引老歸年九十九課諸孫夜分不倦廬州府志

方德初字孟仁奉化人四世同居百口共爨十二人從子十一人以其資

產均分之好施與隣人鄭氏鬻女為婢德初為贖完之與兄弟德全並

美德初年八十八德全年九十九

類書

梁致育字遂初高安人通五經志行高潔洪武鄉舉歷訓導致仕天順初

流寇劫掠致育年九十九且瞽被執賊不忍害

萬姓譜

王庭壽九十九正德時人子應文明經為撫州別駕寄數十金為父壽庭

叱而還邑人請建百歲坊焉實亦太湖人年九十九與兄同建坊曰

兄弟百歲

安慶府志

吳茂年九十九歲

延平府志

金地藏新羅國僧唐至德渡海居青陽九華山嘗以崖間白土雜飯食之

人以為異年九十九忽召衆告別但聞山鳴石墮將入塔顏色如生異

之動骨節若撼金鎖聲

一統志

王友貞河內人少為司經局母病醫言得人肉啖良已友貞剔股以進母

疾愈詔旌表其門素好學訓子弟如嚴君口不語人過重然諾時以為

君子歷長水令罷歸中宗在東宮召為司議不就神龍初以舍人徵固

辭疾詔致珍膳給全祿終身四時送其所州縣存問年九十九卒贈銀

青光祿大夫勅縣令吊祭

唐書隱逸傳

張伯端字用誠台州人遇劉海蟾得金丹術歸以所得著成秘訣八十一

首號悟真篇授扶風馬默曰生平所學乃在是矣元豐中年九十九跌

坐而化有尸解詞

一統志

陳元植好積陰德禽鳥悉蒙其惠每食高原之上百鳥飛鳴就食一夕夢

緋衣人曰汝有陰德及物壽不逾四十延至九十九無疾而終

括異志

崔克昇幼以孝聞父邁疾醫莫能療克昇取父大小便嘗之以審輕重卒

治得瘳父年九十九卒克昇跣足負土築墳廬墓三年有司上其事旌

表其門

萬姓統譜

都督同知吳良蕃將也以洪武中來降有功成化時九十九卒

編年考

